

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sectio I. Vtrùm humanitas Christi mereri potuerint unionem sui ad
Verbum.

urn:nbn:de:hbz:466:1-13826

DISPUTATIO QUADRAGESIMA SEPTIMA.

De causâ meritoria Incarnationis.

CVM certum sit, Christum fuisse humani generis redemptorem, eadē certitudine tenendum est habuisse eum actus meritorios, quibus & peccatorum remissionem, donaque supernatura, ac demum aeternam vitam condigne nobis obtinuit. Quamvis autem pricipue hic inquiramus, quid Christus meruerit vel mereri potuerit sibi, aliquid nihilominus addemus circa ejus meritum tum respectus Angelorum tum nostri, ut singularis ejus in nos amor & benignitas plenius innotescat. Disputat vero hac de re S. Thomas artic. II. questionis secunda post Disputationem de Vnione hypostaticâ, sed quia magnam connexionem habet hac quæstio cum iis quæ proximè discussimus circa causam motivam Incarnationis, hic eam subjiciemus.

SECTIO PRIMA.

Vtrum humanitas Christi, mereri potuerit unionem sui ad Verbum.

I.
Error Photini & Originis circa meritorium humanitatis Christi.

EICIENDUS hic in primis error Photini, & ahorum, qui humanitatem Christi dicebant prius tempore extitisse, quam unitetur Verbo, & per opera sua meruisse unionem quamdam accidentalem. Huic affine est somnium Origenis, qui 2. periarchon cap. 6. assertebat animam Christi prius tempore fuisse creatam, quam unitam, & per bona opera moralia unionem sui ad Verbum meruisse. His itaque reiectis, de sola prioritate naturæ quæstionem instituimus.

II.
Humanitas Christi facta nec meruit, nec connaturaliter mereri potuit unio nem sui ad Verbum.
Difficultas vero procedit de possibili, & in ordine ad potentiam absolutam, neque enim de facto meruisse humanitatem hanc unionem, nec connaturaliter mereri eam potuisse fatentur omnes, cum enim subsistens naturaliter requiratur ad operandum, & propriam non habuerit, prærequisitum ad operationes omnes subsistens divinam, ergo nulla actio prius natura ad hanc subsistentiam potuit à natura procedere, cum supplet vices creata. Hoc expressè docet Sanctus Augustinus de Prædestinatione Sanctorum, cap. 15. ubi ait eadē ratione gratuitò fuisse prædestinata Christi humanitatem ad unionem cum Verbo, ac nos prædestinamur ad.

P. Comptoni Theol. Scholast. Tom. II.

gratiā: Quid egit antea, inquit, quid credit? quid petivit, ut ad hanc ineffabilem excellentiam perveniret.

Objicies illud Apocalyp. 5. ubi dicitur: Dignus est agnus qui occisus est accipere virtutem & divinitatem, hoc autem fit per unionem. Confirmatur ex Psalmo 44. ubi de humana Christi natura canit Propheta: Dilexisti justitiam, & odisti iniuriam, propterea unxit te Deus, &c. Ad argumentum respondet cum Sancto Thoma, Ruperto, Lyrano, & aliis, per divinitatem eo loco intelligi manifestationem divinitatis: cum enim per occasionem nos antea perfectè redemerit sanguine suo, certè divinitatem habere debuit. Ad confirmationem dico propterea illo loco significare causam finalem, propterea nimurum unxit Deus humanitatem Christi oleo unionis, ut diligenter justitiam, & odio haberet iniuriam.

Dico primò: Implicat humanitatem Christi mereri condigne unionem sui ad Verbum, nisi aliquo modo præcedat habens aliam unionem hypostaticam ad aliquam ex personis divinis. Ratio est clara, ad meritum quippe de condigno requiritur, ut sit æqualis valoris cum præmio, ergo debet actio, quæ meretur condigne unionem hypostaticam, esse infinitè meritoria, ergo procedere debet ab humanitate uniti persona divina, non per unionem quam meretur, sic enim principium meriti caderet sub meritum, ergo per aliam.

Dico secundò: Humanitas unita Verbo (nisi obstat ratio comprehensionis, quodque quoad animam

III.
Duo facta
Scriptura
circumser-
cum huma-
nitatis Christi
testimoni-
nia expli-
cantur.

IV.
Ceterum est
Christi hu-
manitatis
non potuisse
condigne
mereri unio-
nem sui ad
Verbum.

V.

TOM. II.

Humanitas reri, vel aliam unionem ad Verbum, si ad maiorem ejus perfectionem spectaret, vel cum aliâ personâ divinâ. Ratio est, quia per hanc unionem opera Christi sunt infinitè dignificata, & meritoria omnis præmii possibilis, ergo si ipse ea applicaret ad unionem novam cum personâ Patris aut Spiritus Sancti promerendam, & Deus acceptaret, non est cur promereri eam condignè non possit.

VI.

Anima unita Verbo mereri diuinum potius posse unio- nem corporis ad idem Verbum.

Dico tertio: Potest de potentia absoluta anima unita Verbo mereri diuinum potius posse unio- nem corporis ad idem Verbum.

VII.

Poterat per divinam potentiam fieri unio humanitatis cum Verbo dependenter ab aliquâ operatione per modum conditionis.

Dico quartio: Nihil vetat de potentia absoluta, ut fiat unio Verbi cum humanitate dependenter ab aliquâ operatione per modum conditionis ad hanc unionem ex constitutione divinâ antecedente, intuitu cuius moveatur Deus ad unionem illam huic naturae conferendam, sive sit vonda operatio hæc merito de congruo, sive non. Ita Beccanus tractatu de Incarnatione c. 14. quæst. 6. Tannerus hic, quæst. 3. dub. 7. n. 244. insinuant Caietanus, Valentia, & alii nonnulli. Probatur: Sicut potest Deus omnino absolutè, & independenter ab ullo vel merito, vel conditione unire se humaniti, quidni exigere operationem aliquam liberam potest, ut conditionem ad hoc beneficium humanitati conferendum; sicut enim potest rem aliam quamcumque, quæ liberè ab ipso procedit, facere dependenter ab aliquâ conditione, cur non poterit & unionem hanc dependenter à conditione in ipsâ humanitate.

VIII.

Sicut Deus eto decrevit unionem cum hac naturâ dependenter à conditione extrinsecâ, ita decernere illam potuit dependenter ab extrinsecâ.

Probatur secundò: Poteat Deus, in modo decrevit unionem cum hac naturâ dependenter à conditione extrinsecâ, nempe peccato primi parentis, quidni ergo & dependenter ab operatione aliquâ ipsius humanitatis. Confirmatur: Potuisse secundum omnes per divinam potentiam humanitas, si prius tempore extitisset non unita, ponere conditionem aliquam, intuitu cuius Deus unionem hanc produceret, ergo & instanti unionis posset idem contingere, quæ enim appetit implicantia, ut Deus hujusmodi pactum cum humanitate illâ ineat, instanti quo actum charitatis eliceris uniam te mili hypostaticè, vel etiam hoc statuere humanitatem insciâ.

IX.

Dependenter ab aliis conditionibus humanitatis decernere potuit Deus Incarnationem, ergo & dependenter ab illis operationibus.

Tertiò probatur: Nihil impedit quo minus Deus dependenter ab aliis conditionibus circa humanitatem decernere potuerit, eam sibi hypostaticè conjungere, ut quod rationalis fuerit, non irrationalis, humana non Angelica, quod pulchra non deformis, quod ex hac vel illâ stirpe, &c. In modo dependenter ab aliquo merè naturali, quidni ergo etiam ab actu supernaturali humiliatus, vel dilectionis Dei super omnia.

X.

Objec. Prius debet humanitas subsister, quam operari, ergo non potest

Dices cum Patre Suarez hic, disputatione 10. sect. 2. & 3. ideo hoc repugnare, quia subsistens complect, & perficit naturam substantialiter, operationes vero solum accidentaliter, complementum autem substantiale connaturaliter debetur aliqui subiecto, prius ipsi debetur, quam accidentale, & consequenter praecedere ipsum

debet, ergo cum unio hypostatica connectat humanitati subsistentiam incretam, quæ succedit loco propriæ, debet etiam praecedere omnem dispositionem accidentalem, idque non naturaliter tantum, inquit, sed de potentia etiam absoluta, cum efficere Deus non possit ut id quod est prius re aliâ, sit illi posterius.

Sed contra primò: Licit enim, specie statis entitatibus physicis, semper subsistentia sit prior operatione, & Angelus intuitivè videns subsistentiam, & operationem, videat hunc ordinem prioris & posterioris quoad esse physicum in his relucentem, in esse tamen morali non est cur supremus auctor rerum nequeat hunc ordinem invertere, non efficiendo ut non prius secundum naturas rerum debeatur subsistentia, quæ operatione accidentalis, sed pro suâ libertate volens exigeat hanc tanquam conditionem ad illam. Sic licet connaturaliter loquendo non debeatur subiecto forma ignis, nisi prius per calorem intensum fuerit dispositum, nec produci in materia possum forma cadaveris, nisi praecesserit forma viventis, auctor tamen naturæ potest hec pro suâ voluntate invertere, semper tamen in formâ cadaveris reluet quod petat subsequi formam viventis, idem ergo fieri potest in praesenti.

Contra secundò: Nam secundum probabilem sententiam natura terminata propriâ subsistentiâ assumi potest à Verbo, ergo tunc saltem dari poterit hujusmodi conditio, cum in hoc casu æquè, imo magis primaria debeatur operatio vitalis naturæ illi ita subsistenti, quæ aliena subsistentia, que secundum se est planè naturæ extrinseca, nec majorem cum illâ connexionem intrinsecam habet, quæ bona quævis intrinseca vel extrinseca, ut gratia habitualis, honor, dignitæ, & hujusmodi alia, quæ possunt homines per suos actus de congruo mereri, neque ullo modo potest concipi prior operationibus, nisi ad summum quando supplet locum subsistentiæ propriæ, & consequenter in eodem signo dari debet naturæ, quo danda erat propria, cuius vicem subit, sed hoc etiam solum quoad ordinem physicum, ut ostensum est, & ex naturâ rei, non in esse morali, & in ordine ad divinam potentiam.

Addo ulterius, etiam quando datur unio hypostatica loco subsistentiæ propriæ, non necessariò dari independenter ab aliquâ conditione, esto enim non posset natura existere sine omni subsistentiâ (quod tamen juxta communiorum sententiam est falsum) non tamen necessariò debet habere divinam, cum subsistere possit per alienam creaturam, ut probabile indicat ipse Suarez hic, disp. 15. sect. 4. ergo ad hoc ut sicut ei subsistentiam uniat Deus, potius quæ ignobiliorum, requirero potest conditionem aliquam ex parte humanitatis.

Cùm ergo subsistentia non sit principium influens in operationes, sed supposito concursum generali Dei sit in naturâ vis sufficiens ad operandum, solumque requiratur subsistentia ut conditione quædam, nulla appetit ratio cur divinitus non possit elici operatio antecedenter ad illius productionem.

Dices secundò cum eodem Suarez, anima rationalis petit prius uniri corpori, quæ operari, alias nullæ est ratio cur in primo instanti creationis non possit se & res alias videre intuitivè sequi debet instar Angeli, unde modus operandi semper sequi debet modum essendi, sed subsistentia non est minùs

eius opera.
tio esse con-
ditio antea-
dès ad uniu-
rem hypostati-
cam.

XI.
Reb. Hung
ordinis pris-
ris & post-
rioris semper
manereb.
sicut, in se-
tamen.
rati pote-
inverit.

XII.
ad hoc ex-
plum est, si
natura ha-
bitus proprii
subsistentia
affirmatur
a Verbo,

XIII.
Quando le-
co subsist-
tia propria
datur nisi
hypostatica,
non datur
necessariò
independen-
ter à condi-
tione.

XIV.
Hoc eo faci-
lius intelli-
gatur, quod
subsistentia
non sit prae-
cipuum in-
fluens.

XV.

Objec. Me-

dias operas-

aliisque nulla est ratio cur in primo instanti crea-

tionis non possit se & res alias videre intuitivè sequi debet

instar Angeli, unde modus operandi semper se-
qui debet modum essendi, sed subsistentia non est

minùs

Responso. Con-naturaliter ita esse, di-venitus ta-men alter fari potest.

minus intrinseca & debita naturae, quām unio-ad corpus debetur anima, ergo. Respondeo connaturaliter loquendo requiri animam ut uniat, & naturam ut subsistat prius quām operatur, de potentia tamen absoluta nec unum requiritur, nec aliud, ut ostensum est.

XVI. *Objec.* Actio-nes sunt sup-positorum.

Dices tertio: *Actio-nes sunt sup-positorum*, quod axioma Joannes Theologus in Concilio Floren-tino fess. 18. & 19. assertum receptum esse à totā scholā Philosophorum, ergo non potest natura operationem ullam elicere, nisi habeat subsistētiam. Contra primō: Ergo saltem si habeat propriam subsistētiam, poterit per operationem de-pender ab illā elicita mereri de congruo ut ipsi detur divina, sicut si subsistat per unionem hypotheticam ad unam personam divinam, in-terri potest juxta ipsum Suarez de condigno unionem ad aliam.

XVII. *Axioma.* Aristoteles est. Actio-nes sunt singularium.

Contra secundō: Nam etiā axioma istud sit Aristotelis, primō Met. cap. 1. quod tamen negat Vasquez, sed solum affirmare ait Aristotelem actiones esse singularium, & communiter dici solet subsistētiam tantū innotuisse ex my-stero Incarnationis. Respondeo tamen hoc solum etiā verum naturaliter, cum suppositum non sit principium influens, sed tantum condi-tio ex naturā rei requisita, non in ordine ad po-tentiam absolutam.

SECTIO SECUNDA.

Vtrum hæc conditio habere possit rationem meriti.

I. *Patuisse Deum In-carnatio-nem depen-denter à conditione aliqua de-tergere, sam eniens etiā.*

Ex dictis clare constare videtur, potuisse Deum, ut res alias, ita & divini Verbi In-carnationem dependenter à conditione aliqua de-tergere, nihil enim hac in re afferri potest vel magnitudini mysterii, vel dignitati Verbi contrarium, ut sectione præcedente ostensum est. Hinc ergo ulterior oritur questio, utrum seilicet hæc conditio, ejusmodi esse possit, ut Deus illius intuitu aliquo modo moveatur ad unionem hypotheticam humanitati conferendam.

II. *Conditio hæc esse po-test meri-tum.*

Dicendum conditionem illam, quam ad unionem hypotheticam requirere potest Deus, posse non incongrue vocari meritum de congruo: ita Beccanus, Tannerus, & alii supra citati. Probatur: Sicut enim potest anima etiā prior naturā suā subsistētia naturaliter, & principium physicum illius, utpote quam producit, saltem in genere causa materialis, quidni esse poterit saltem supernaturaliter principium morale illius, ergo sicut divinitus potest natura humana Christi esse principium physicum unionis hypotheticæ, & esse prior naturā illā physicè, cum ex illius potentia educatur, quidni etiam per divinam potentiam esse poterit prior naturā illā in genere causa morali.

III. *Si operatio aliqua libe-ra prius na-turā ab hu-manitate procedere posset, quām hæc subsistat, non est cur-ere neque operatio illa*

Confirmatur: Nam ut recēd P. Suarez, sec-tione illā 3. § Ad confirmationem, si admittatur (ut admittunt ii, qui hanc conclusionem impugnant) posse divinitus operationem aliquam liberam ab humanitate prius naturā procedere, quām subsistat, inconsequenter loqueretur quin negaret posse humanitatem aliquo modo se disponere, & imperfēctè mereri, seu aliquo modo movere Deum ad illam hīc & nunc conferendam: si enim potest operatio naturalis procedere unionem,

quidni & supernaturalis, vel ab habitu infuso, & gratiā habituali, vel auxilio extrinseco prove-niens, ergo si Deus statueret operationem ejus-modi tanquam conditionem, ad illam conferendam, vel promitteret humanitati, aut naturae Angelicæ, se sub hac conditione daturum unionem, quid desset ad meritum de congruo, ad quod sufficit, secundā omnes, quod si aliquis proportionis inter meritum & premiu[m], & Deus illo sit contentus. Quod facilius intelligetur, si ponatur natura aliqua prius tempore existens, cui Deus promitteret, instanti quo actum amo-ris Dci eliceret, fore ut unionem ipsi hypo-staticam conferret.

Dices primō: Meritum naturale est ineptum ad præmium supernaturale, etiam de congruo promerendum, ob summam improportionem, sed major est improportionis inter unionem hypo-staticam, & quodvis meritum supernaturale, quām inter naturam & gratiam, ergo. Contra: Si enim prius tempore extitisset humanitas ad unionem, potuisset secundum communem sen-tentiam, illam de congruo mereri, ergo hæc improportionis non obstat merito de congruo, cùm eadem in utroque casu maneat improportionis. Respondeo ergo: Quicquid sit de entitativā & physica diversitate inter unionem & gratiam ha-bitualē, vel actum supernaturale, in hoc tamen conveniunt, quod utraque sit ordinis supernaturalis, & tendens ad participationem Dei, dis-ponensque suum subjectum ad eundem finem ultimum, nempe visionem beatam. Res vero naturales & supernaturales tendunt ad duos fines ultimos, omnino disparatos, & consequenter non habent inter se illam subordinationem in ordine ad meritum, qua tamen præcipue spectan-da est in hac materiā, ut fatentur omnes: adde juxta probabilem sententiam, conceptum rei super-naturalis in hoc consilere, ut non debeatur rei illi naturali, de quo dixi Tomo præcedente, Disp. 12. Res ergo naturalis & supernaturalis sunt sicut duæ linceæ rectæ, quæ licet in infinitum protendantur, nunquam in codem puncto coeunt, sic nec hæc res cùm tendant ad fines disparatos.

Dices secundō, cum Vasquez hic, disp. 21, cap. 3. ideo repugnare omne meritum congruum in humanitate naturā antecedens unionem, quia vel meritum illud procederet ex gratiā habituali, & hoc non, sic enim pro illo priori esset filius adoptivus; vel procederet ex auxilio supernaturali actuali, sed hoc similiter dici non potest, nullum enim opus potest in Christo non infiniti va-loris, ergo non potest habere principium ope-randi meritorie ante unionem hypotheticam.

Respondeo primō: Posse hoc opus merito-rium de congruo procedere à gratiā habituali, ex ioprime ratiōne, ut sit filius adoptivus pro illo priori esse signari posse principiū a quo actus ille merito-rius de cor-i-gro tunio-nis procedat.

Respondeo secundō: Posse etiam hoc meri-tum sine incommodo procedere ab auxilio su-pernaturali extrinseco, nec tamen erit valoris opus illud infiniti, quia opus quod antecedit gratiam non potest accipere valorem ab ipsa gratiā, saltem in ordine ad gratiam quam meretur, ut omnes penè fatentur de actu contritionis à peccatore

dispositio ad unionem.

IV.

Objec. Longe major est improprio-tionis inter unionem hypo-staticam, & nem est me-ritum super-naturalis, quām inter meritum naturale.

Actus super-naturalis peculiarietatem tendens ad participa-tionem Dei.

V.

Objec. Non videtur af-firmari posse principiū a quo actus ille merito-rius de cor-i-gro tunio-nis procedat.

VI.

In primis actus hic meritorius procedens potest à gra-tiā habituali.

VII.

Potest etiam opus illud procedere ab auxilio ex-trinseco.